



Bab : Jaiz / Najaiz Cheeze

Fasl : Others (Jaiz / Najaiz Cheeze)

Sawal No : 61

Upload Date : 11-11-2023

Topic : Me Qarz Se Preshan Hu, Kya Karu ? Kuch Samjh Me Nahi Aata...

Sawal : Kuch Mahino Se Mai Kaafi Pareshan Rehta Hu, Na Jane Mere Par Qarz Kaise Badh Gaya Hai, Mujhe Kuch Samjh Hi Nahi Aa Raha Hai, Mujhe Aaj Kal Kuch Samjh Nahi Aa Raha Hai, Mujhe Se Kuch Ulta Seedha Na Ho Jaye, Allah Na Kare Aisa Ho ! Lekin In Dino Me Na To Mere Ghar Vale Saath De Rahe Hai, Na Or Koi Dost, Mai Bohot Akela Sa Ho Gaya Hu, Mere Upar 2 Lakh Ka Karz Hai, Aap Mujhe Bataye, Ke In Sab Chizo Se Kaise Nikla Jaye ?

Jawab : Qarz Aadmi Agar Apni Zarurat Ko Pura Karne Ki Wajah Se Majboori Ki Haalat Me Leta He, To Allah Taala Uske Adaa Karne Ki Shaql Bhi Paida Karta He, Jab Ke Uski Niyat Qarz Adaa Karne Ki Ho.

■ **Aur Agar Qarz Khwahish Puri Karne, Fuzul Kharchi Ya Shauq Pure Karne Ke Liye Liya Jaaye, To Uske Adaa Karne Me Allah Ki Madad Shaamil Nahi Rehti, Is Wajah Se Qarz Adaa Karna Mushkil Ho Jata He.**

■ **Aap Par Jo Qarz Huva He, Wo Aap Hi Zyada Jaante He, Ke Kis Wajah Se Huva He, Aur Ese Waqt Me Rishtedaar Or**

**Doston Wagera Ka Saath Na Dena Koi Nayi Baat Nahi He,
Duniya Me Esa Hi Hota He.**

■ **Ab Aap Allah Taala Se Qarz Adaa Ho Jane Ki Dua Kare,
Gunaho Se Maafi Maange, Or Aainda Bagair Shakht
Zaroorat Ke Qarz Na Le, Filhal Aap Qarz Adaa Karne Ki
Koshish Bhi Kare, Mayus Hone Ki Zarurat Nahi He, Har
Haal Me Allah Hi Se Maange, Allah Hi Aapke Qarz Ko Adaa
Karne Wala He, Jis Wajah Se Qarz Lene Ki Naubat Aayi He,
Aainda Usse Bachne Ki Fikar Kare, Taake Wapas Maayus
Hone Ki Naubat Na Aaye, Allah Taala Aapki Khub Madad
Kare, Aap Ke Tension Ko Rahat Me Badal De. Aamin... Fakt
- Allah Ta'ala Sabse Zyada Janne Wale Hai.**

Ye Jawab Darul Ifta Wal Irshad, Shahpore, Surat Ki Official Website
www.suratifta.com Se Download Kiya Huwa Hai.



© Copyright 2023 DARUL IFTA WAL IRSHAD
Development By : IBNE ASIF GRAPHICS & DIGITAL PARTNER